

聖王濟總錄

卷七十

庫文閣内
函

内閣文庫	
番號	漢 12609
冊數	200 (73)
函號	300 212



大德寺藏書卷第六十九

吐血門


嘔血

吐血後鼻衄及中惡血

舌上出血

汗血

大學
東
校典
藉
局之印



吐血門



大德重校聖濟總錄卷第六十九

嘔血

唾血

吐血後虛熱胸中痞口燥

舌上出血

汗血



舌上出血

吐血

衄血

大蘇重對聖藥終卷第六十八



嘔血

論曰愁憂思慮則傷心悲怒氣逆上而不下則傷肝蓋心主血肝藏血二藏俱傷則血不循經隨氣上逆故因嘔而血出也內經曰怒則氣上甚則嘔血

治嘔血唾血欬逆氣喘短氣欬冬花丸方

欬冬花

紫苑去苗土各參兩

杏仁湯浸去皮尖雙入炒

豉炒各貳兩半

人參

桂去麤皮各半兩

天門冬

去心焙

甘草炙

蜀椒去目并合口炒出汗

柏葉

去梗焙

生乾地黃焙各參分

右一十一味搗羅為末鍊蜜和丸如彈子大每服一

丸冷熟水嚼下日三夜二

治傷中胸內急痛欬嗽嘔血時寒時熱小便黃赤澤蘭

湯方

澤蘭葉陸兩

大黃剉炒

遠志去心各壹兩

人參兩

麻人

桑根白皮剉各肆兩

右六味麤搗篩每服五錢匕水一盞半煎至一盞去

滓冷服不拘時

治嘔血鬱金散方

鬱金剉

甘草炙剉各壹兩

右二味搗羅為散每服二錢匕井華水調下不拘時

治吐血嘔血五靈脂餅子方

五靈脂壹兩

盧會貳兩

右二味搗研為末滴水和丸如雞頭大捏作餅子每

服二餅龍腦漿水化下不拘時

治嘔血吐血及鼻衄血麥門冬汁方

生麥門冬汁

生地黃汁

生藕汁

冷熱水各壹盞

白藥壹兩為末

右五味合和勻每服二盞略煎沸溫服不拘時

治卒嘔血羚羊角飲方

羚羊角銹壹兩半

桂去麤皮貳兩

大黃剉炒壹兩

右三味麤搗篩每服三錢匕水一盞半煎至一盞去

滓冷服不拘時

治嘔血不止荆芥飲方

荆芥穗

梔子仁

黃芩去黑心

蒲黃各壹兩

右四味麤搗篩每服三錢匕水一盞煎至七分去滓

冷服不拘時

治嘔血煩滿少氣胸中痛阿膠湯方

阿膠炙令燥

甘草炙各壹兩半

右二味麤搗篩每服三錢匕水一盞入生地黄汁三

合同煎至七分去滓溫服不拘時

治嘔血荆芥湯方

荆芥穗壹兩

右一味麤搗篩每服三錢匕水一盞半煎至一盞去

滓冷服不拘時

治嘔血比金散方

黃蘗去麤皮蜜炙

右一味搗羅為散每服二錢匕麥門冬熟水調下

治憂恚嘔血煩滿少氣胸中痛生地黄湯方

生地黄斤半

阿膠炙令燥

甘草炙各壹兩半

右三味咬咀如麻豆大每服五錢匕以水一盞半入
大棗二枚擘破煎至七分去滓溫服日三夜一
治虛勞內傷寒熱嘔逆出血堅中湯方

芍藥

半夏

湯洗
柴徧

甘草

炙各壹
兩半

桂

去麤皮
壹兩

右四味咬咀如麻豆大每服四錢匕以水一盞半入
生薑一棗大切棗二枚擘破同煎至八分去滓入飴
糖一分再煎令沸放溫服日二夜一

治嘔血伏龍肝湯方

伏龍肝

壹兩
半

生竹筍

剉壹
升

芍藥

當歸

焙切
壹兩

黃芩

去黑
心

芍藥

甘草

炙各
貳兩

生地黄

壹
斤

右八味咬咀如麻豆大每服五錢匕以水一盞半煎
至八分去滓溫服日三

唾血

論曰邪熱熏於肺則損肺恚怒氣逆傷於肝則損肝肺
肝傷動令人唾血如唾中有若紅縷者屬肺如先苦脇
下痛而唾鮮血者屬肝可析而治之
治肺氣內傷邪熱熏積欬唾有血紫苑散方

紫苑

去苗
土

欬冬花

當歸

焙切

桂去麤皮

芎藭

五味子炒

附子炮裂去皮臍

細辛去苗葉

貝母去心

柏葉炒

白朮

甘草炙

生乾地黄焙

杏人湯浸去皮尖雙

右一十四味搗羅為散每服三錢匕蜜湯調下日三

服不拘時

治肺傷唾血羊肺湯方

鍾乳粉參

半夏生薑同搗作餅暴乾半兩

桂去麤皮

白石英碎

射干

桃人湯浸去雙皮尖炒

陳橘皮去白

百部切

五味子炒

款冬花

甘草炙

厚朴去麤皮生薑汁炙各壹兩

右一十三味麤擣篩每服三錢匕先用水二盞煮羊

肺一兩至一盞去肺入藥末煎取七分去滓溫服日

三夜一

治心肺有熱唾血不止石膏湯方

石膏碎

厚朴去麤皮生薑汁炙

五味子炒

杏人湯浸去皮尖雙

半夏生薑汁製

小麥洗

右七味麤擣篩每服三錢匕水一盞生薑三片同煎

至七分去滓空心日午夜臥溫服

治肺傷唾血前胡湯方

前胡去蘆頭 貳兩

小麥

茅根剉

麥門冬去心 焙

麻黃去根 節

石膏碎

甘草炙剉各壹兩

右七味麤搗篩每服三錢匕水一盞人生薑汁生地

黃汁各半合同煎至七分去滓溫服

治憂恚氣逆肝氣不足唾血不止礬石丸方

礬石熬令汁枯

生乾地黄焙

乾薑炮裂

桂皮去麤

皂莢炙剖去皮并子

桔梗炒

附子炮裂去皮臍各壹兩

右七味搗羅爲末鍊蜜和丸如梧桐子大每服二十

丸溫水下日三

治恚怒傷肝唾血煩滿脇下痛阿膠散方

阿膠炙令燥 貳兩

甘草炙剉壹兩

右二味搗羅爲散每服三錢匕以水一盞入生地黃

汁二合煎至七分和滓溫服不拘時候

治肺熱唾血白前湯方

白前

桑根白皮剉

桔梗剉炒 貳兩

甘草炙剉壹兩

右四味麤搗篩每服三錢匕水一盞煎至七分去滓不拘時溫服

治肺肝內傷卒唾血生地黄飲方

生地黄

貳拾兩搗絞取汁

阿膠

貳兩每片如兩指大

右二味每以膠一片入地黄汁一盞內飯甑蒸之取出放溫旋服

治憂恚絕傷唾血胸脇疼痛地黄煎方

生地黄汁

升伍

右一味於銀石器內慢火煎至三升入白蜜一盞酒一盞再煎至三升每食後溫服半盞

治唾血不止蒲黃散方

蒲黃

壹兩

右一味研細每服三錢匕冷水調下不拘時候吐血後虛熱胸中痞口燥

論曰上焦有邪則傷於藏藏氣傷則吐血人病吐血之後榮衛俱虛陰陽否隔陽氣不降故身體虛熱胸中煩痞而口舌乾也

治吐血後胸中痞痛口燥不喜食補肺湯方

黃耆

細剉

桂皮

去麤皮

生乾地黄

焙

赤茯苓

去黑皮

厚朴

去麤皮生薑汁炙

紫苑

去苗土

陳橘皮湯浸去白燥 當歸切 五味子各貳兩

遠志去心 麥門冬去心 甘草炙

鍾乳研成粉 白石英研成粉 人參

桑根白皮剉炒各壹兩

右一十六味除別研外麤搗篩再入研藥同和勻每服五錢匕以水一盞半大棗二枚擘破同煎至一盞去滓溫服日二夜一

治心肺壅熱上焦不利吐血胸中痞口乾地黄湯方

生乾地黄焙 地骨皮 赤茯苓去黑皮

甘草炙 大黃濕紙裹 玄參

黃芩去黑心 當歸切 麥門冬去心

藿香取葉 升麻 紫苑去苗土

桑根白皮剉各壹兩

右一十三味麤搗篩每服五錢匕水一盞半煎至一盞去滓溫服不拘時

治吐血後身體虛熱胸中痞隔口舌乾燥茯苓湯方

赤茯苓去黑皮 黃連去須 生乾地黄焙

梔子人 杏仁湯浸去皮尖

黃芩去黑心 大黃剉炒各壹兩 桂去黑皮

栝樓根各參分

右九味麤搗篩每服三錢匕水一盞煎至七分去滓不拘時溫服

治吐血後胸中痞口乾柏葉散方

柏葉焙

蒲黃各壹兩

木香

馬魚骨炙去甲

椴皮

當歸洗切焙

婦人油髮與椴皮各半兩

阿膠壹兩

阿膠壹兩

右八味搗羅為細散每服一錢匕用糯米粥飲入地黃汁少許煖合溫調下不計時候服

治吐血後虛熱胸中痞口燥鹿角膠散方

鹿角膠炙

阿膠炙

秦艽去苗土

糯米炒

烏梅去核炒

右五味搗羅為細散每服二錢匕糯米飲溫調下早晚食後臨卧服

治男子婦人吐血後膈上虛熱抵聖湯方

陰地蕨

紫河車剉

貫衆去毛土

甘草炙剉各半兩

右四味麤搗篩每服三錢匕水一盞煎至七分去滓食後溫服

治吐血後上脘痞隔虛熱口燥阿膠散方

阿膠炙

生乾地黄焙

黃蘗去麤皮蜜炙各半兩

甘草炙剉壹分

右四味搗羅為細散每服二錢匕用綿灰蜜湯調下
日三服

治吐血後虛熱胸中痞口乾人參散方

人參貳兩

阿膠炙燥壹兩

甘草炙剉半兩

黃耆細剉壹兩半

右四味搗羅為細散每服二錢匕溫糯米飲調下不

拘時候

治吐血後虛熱躁渴及解毒茜草丸方

茜草剉

雄黑豆去皮

甘草炙剉各等分

右三味搗羅為細末并華水和丸如彈子大每服一

丸溫熱水化下不拘時候

治吐血後虛熱胸中痞口燥鹿角膠散方

鹿角膠炙燥

黃蘗去麤皮蜜炙各拾兩

杏仁肆拾枚湯去皮尖雙入

右三味搗羅為細散每服一錢匕用溫水調下不拘

時候

治肺藏壅熱吐血心膈煩悶天竺黃散方

天竺黃

人參

側柏葉焙

大黃剉

犀角鎊

黃耆焙

赤茯苓去黑皮 馬兜零焙各半兩 鹿角膠炒燥壹兩

右九味搗羅為散每服一錢匕煖生地黄汁調下不

拘時經金六一九

舌上出血

論曰心主血在竅為舌若心藏蘊熱則血得熱而妄行或溢於心之竅故有舌上出血之證甚者出如涌泉

治心藏有熱舌上血出如涌泉升麻湯方

升麻剉 茜根剉 小薊根剉各壹兩半

艾葉去梗壹握 凝水石碎參兩

右五味麤搗篩每服三錢匕水一盞同煎至七分入

生地黄汁一合更煎一二沸去滓溫服

治心藏熱盛舌上出血香參丸方

人參 生蒲黃 麥門冬焙去心

當歸切焙各半兩 甘草炙剉壹分 生乾地黄焙壹兩

右六味搗羅為末鍊蜜丸如小彈子大每服一丸溫

水化下日三四服

治心經煩熱血妄行舌上血出不止寸金散方

新蒲黃參錢匕 新白麩貳錢匕 牛黃研

生龍腦各半錢匕

右四味同研極細生藕汁調下一錢匕食後臨卧服

日二服
治舌上血出不止阿膠散方

阿膠炒

蒲黃

黃耆

細剉各壹分

右三味搗羅為細散每服一錢匕生地黄汁調下併二服

治心經蘊熱舌上血出及諸失血熟艾湯方

熟艾

用糯米半合炒

松黃

栢葉

炙略

右三味麤搗篩每服三錢匕水一盞煎至七分去滓溫服不拘時候

治舌上出血竅如簪孔紫霜丸方

紫金沙

即露蜂房頂上實處是研壹兩

盧會

研貳錢

貝母

去心肆錢

右三味搗研為末鍊蜜和丸如櫻桃大每服一九水七分一盞化開煎至五分溫服吐血衄血每服一九

酒半盞化開服

治舌上忽然血出不止聖金散方

黃藥子

青黛

右二味搗研為細散每服一錢匕食後新汲水調下日二服

治心藏積熱血脉壅盛舌上血出鬱金散方

鬱金壹兩

當歸切焙半兩

右二味搗羅為散每服一錢匕煎生薑烏梅湯調下

治舌上血出地黃散方

生乾地黄焙乾

鹿角膠炒令燥各壹兩

右二味搗羅為散每服二錢匕食後糯米飲調下

治舌上出血不止阿膠湯方

阿膠

炒令燥壹兩搗末

蒲黃兩

右二味合和勻每服二錢匕水一盞煎至六分入生

地黃汁一合更煎一二沸溫服不拘時候

治舌上出血清心散方

刺薊壹兩

右一味研絞取汁以酒半盞調服如無生汁只搗乾

者為末冷水調下三錢匕兼治大紐

治心藏熱極舌上出血黃蘗散方

黃蘗

貳兩塗蜜慢火炙焦

右一味搗羅為散每服二錢匕溫糯米飲調下

汗血

論曰內經言藏真通於心血脉之氣行焉又曰肝藏血人臥血歸於肝蓋血雖藏於肝而心則行之也若肝心二藏俱傷於邪故血隨心液為汗而出

治肝心傷邪血汗人參湯方

人參去蘆 桂皮去粗 甘草炙

白朮 赤芍藥各壹兩 黃芩去黑心

芍藥 當歸焙切 淡竹筍各貳兩

右九味麤搗篩每服三錢匕水一盞煎至七分去滓

溫服不拘時

治血汗從膚腠出神白散方

人中白

右一味不以多少刮在新瓦上用火逼乾研令極細

每服三錢匕入麝香少許溫酒調下

治血汗如聖散方

郁李人去皮

右一味研細每服一錢匕研鵝梨汁調下

治血汗鼻衄不斷吹鼻散方

人中白

右一味瓦上焙乾研為細末每以少許吹入鼻中立

差

治吐血或汗血尿血竹筍湯方

淡竹筍 人參 芍藥

桔梗炒 生乾地黄焙 當歸焙切

甘草炙

桂去麋皮

芍藥各壹兩

右丸味麤搗篩每服五錢匕水一盞半煎至一盞去滓不拘時溫服

本一物取土飲酒研末以少許加入

人中白

留取其最細不雜粗者

亦一物取酒研末一盞以少許加入

附子人參

大德重校聖濟總錄卷第六十九

大德重校聖濟總錄卷第七十

鼻衄門

鼻衄

衄不止

大衄

久衄

衄膿

大前重刻經錄卷之十

論

大

大

鼻

不

鼻

鼻衄統論

論曰內經謂脾移熱於肝則為驚衄蓋脾土也肝木也
 土本畏木今脾移熱於肝則是土氣反盛熱往乘木肝
 所藏者血其神為寃虛熱勝之故驚而衄也從春至夏
 者為太陽衄從秋至冬者為陽明衄巢元方曰寸口微
 芤者衄寸脉微苦寒為衄寸脉微弱尺脉澀發熱而弱
 為無血必厥其人微嘔夫厥當眩不眩而反頭痛痛為
 實下虛上實必衄凡是之類皆其脉也孫思邈曰鼻頭
 白者亡血設令微赤非時者死病人色白皆亡血也凡
 時行衄不宜斷之如一二升以上恐多者即以龍骨末

吹之凡是之類皆其候也以至九竅血俱出者謂之大
衄膽移熱於腦熱盛則陽絡溢陽絡溢則衄出血汗者
謂之衄衄治之各有方論

衄衄

論曰脾移熱於肝則為驚衄蓋木克土者也脾土熱氣
移於肝木則神魂驚而血行不由其道肺主氣開竅於
鼻血隨氣上今既妄行故出於鼻竅而為衄也
治鼻衄伏龍肝湯方

伏龍肝

細辛

去苗葉
各半兩

芎藭

壹分

桂皮

白芷

乾薑

炮

芍藥

甘草

吳茱萸 湯浸一宿
與大豆同

炒去豆
各壹兩

右九味麤搗篩每服三錢七酒一盞煎至七分入生
地黃汁一合更煎一二沸去滓溫服日三

治鼻衄蒲黃散方

蒲黃

栝子人

研

當歸

焙切

阿膠

櫻櫚

燒存
性研

亂髮灰

研各
壹錢

右六味搗研為散每服二錢七生藕節自然汁調下
如肺損吐血用地黃自然汁調下腸風下血用樗根
皮煎湯調下婦人帶下艾湯調下

治邪熱上攻鼻衄煩悶比金丸方

鬱金雪水煮令透切暴乾壹兩

紫石英

白石英

白茯苓去黑皮

水銀各壹分

黑鉛半分與水銀同結沙子

甘草生剉壹分

龍腦研半錢

右八味除沙子外搗研為末用黃牛膽汁和丸如彈

子大每服一丸煎甘草湯放冷磨下

治鼻衄睡黃散方

惡實壹兩半

雄黃研

馬牙消研

甘草生剉各半兩

牛黃研壹錢

右五味搗研為散每服二錢匕用豬膽汁與新汲水

調下相次便睡微有汗出為効如時氣黃發舌脹咽

喉腫及熱極者如前法斟酌多少服

治鼻衄搗鼻方

駝糞

右一味不以多少用新藏餅一箇打開底入糞在內

燒成灰取出研細用麝香少許研勻隨衄血鼻搗之

治鼻衄防已散方

防已生用參兩

右一味搗羅為細散每服二錢匕新汲水調下老兒

酒調一錢匕服更用熱湯調少許鼻中殞氣佳
治鼻衄烏沙散方

細烟香墨兩

右一味為細散每服一錢匕臘茶清調下

治鼻衄地金湯方

生乾地黄焙

生乾藕節各貳兩

右二味細剉如麻豆每服三錢匕水一盞煎至六分

去滓食後臨臥溫服

治肺壅鼻衄玉塵散方

白麩

若葉灰

各參錢

右二味研令勻分為二服食後并華水調下

治鼻衄吹鼻方

百葉石榴花

右一味搗羅為細末每用少許吹鼻中

治鼻衄劄耳方

延胡索

右一味搗羅為末用綿裹劄耳內左衄劄右右衄劄

左左右右俱劄則兩耳俱劄

治鼻衄貼鼻方

鹿角膠不以多

右一味以沸湯浸軟貼鼻坳上更以醇麪調令稀稠
得處若左竅出血則塗右邊右竅出血則塗左邊

治鼻衄貼背膏方

京三稜大者壹枚

右一味以濕紙裹於慢火中煨熟乘熱椎碎搗為細

末醋煮麪糊調貼背第五椎上

治鼻衄剋効湯方

甘草炙

桑耳焙各

枳殼去穢炒

大黃剉炒

麥門冬焙去心

槐實炒各壹

白芷

雞蘇葉

百合

黃耆剉

白前

連翹

檳榔剉各壹兩

薑黃貳兩

右一十四味麤搗篩每服五錢匕水一盞半人生薑
三片同煎至八分去滓溫服

治鼻衄方

燒亂髮灰錢壹

人中白錢壹

麝香壹字

右三味合研勻吹少許入鼻中立効

又方

羊脛炭皮拍碎炒令通赤壹兩

伏龍肝壹兩

麝香錢壹

右三味細研如粉每服二錢白冷水調下或研小蘗汁調下亦得

治肺積熱極衄血吐血方

黃明膠末壹錢 桑葉末壹錢 伏龍肝末壹錢

右三味研勻為散糯米飲調下二錢七

治鼻衄刺薊湯方

大薊根兩 相思子兩

右二味麤擣篩每服三錢水一盞煎至七分去滓放

冷服

治鼻衄血葱白汁方

右以葱白一握擣絞取汁投酒少許點三兩滴入鼻

差

衄不止

論曰榮氣之行常與衛氣相隨則氣與血未嘗相離肝藏血肺主氣榮衛和平則氣血順治若人府藏有熱熱乘血氣血性得熱流溢妄行而肺開竅於鼻故其發為鼻衄鼻衄不止者藏虛血盛故也內經又云脾移熱於肝則為驚衄蓋脾土也肝木也今脾移熱於肝則木不能制土肝藏血其神魂故為驚衄之病

治鼻衄不止紫參湯方

紫參

蒲黃

生地黄

各貳兩

黃芩

去黑心

赤茯苓

去黑皮

赤芍藥

當歸

切焙各壹兩

甘草

炙壹兩半

右八味剉如麻豆大每服三錢匕水一盞入阿膠二

片炙令燥同煎至七分去滓溫服不拘時候

治鼻衄不止刺薊湯方

刺薊

去心

黃芩

去黑心

大黃

剉炒

赤芍藥

各參兩

蒲黃

貳兩

側柏葉

肆兩

生乾地黄

焙

甘草

炙剉各伍兩

右八味麤搗篩每服三錢匕水一盞煎至七分去滓

溫服逐意以新汲水調下

治鼻衄不止麝香散方

麝香

錢貳

滑石

末

人中白

各半兩

右三味同研為散每服二錢匕熱酒調下

治鼻衄不止厚朴丸方

厚朴

去麤皮

瓦礫

并沙

糞堆土瓜苗心

等分

右三味糯羅為末蜜丸如雞頭大每服三丸葱一握

細切麩一匙鹽半錢同炒黃沸湯點下

治鼻衄不止蒲槐散方

蒲黃

槐花兩各半

防已

人參各壹分

右四味搗研為散每服一錢匕新水調下食後服

治鼻衄不止天竺黃散方

天竺黃

芎藭各壹分

防已兩半

右三味搗研為散每服一錢匕新汲水調下肺損吐血用藥三錢匕生麩一錢匕水調下並食後服

治鼻衄不止千鍼散方

刺薊

木賊各壹分

白麩壹錢

右三味搗羅為散每服一錢匕研青蒿心七枚新水

調下併二服

治鼻衄日夜不止頭痛心煩玉粉散方

石膏研

牡蠣燒研如粉各壹兩

右二味研勻為散每服二錢匕新汲水調下候血滴

間斷時再以水調藥如稀糊滴鼻內

治鼻衄不止雞蘇散方

雞蘇兩

防風去叉壹兩

右二味搗羅為散每服二錢匕溫水調下更以雞蘇

葉於新水內揉輒內鼻竅即止

治鼻衄不止二花散方

酸石榴花分壹 黃蜀葵花錢壹

右二味搗羅為散每服一錢匕水一盞煎至六分不

拘時候溫服

治鼻衄不止欲死車前散方

車前子末 牛耳中垢等

右二味和成挺子塞鼻中立止

治鼻衄不止柳枝散方

寒食楊柳枝門傍揀者壹兩 人參分壹

右二味搗羅為散每服一錢匕新水調下併二服

治鼻衄不止參蓮散方

人參錢壹 蓮子心分壹

右二味搗羅為散每服一錢匕新水調下

治衄血不止心神悶亂頭旋欲倒通神散方

亂髮燒灰 伏龍肝等

右二味研為散每服二錢匕新汲水調下

治鼻衄不止栗灰散方

生栗宣州大者柴枚

右逐一微利破皮連皮燒存性椀蓋候冷入麝香少

許同研每服二錢匕溫水調下

治鼻衄不止黃藥散方

黃藥子兩

右一味搗羅為散每服二錢匕煎阿膠湯調下良久以新汲水調生麩一匙投之

治鼻衄血不止法紙散方

右病人衄血時以紙接血候滴滿紙於紙燈上燒作灰每一張作一服新汲水調下不得令病人知

治鼻衄不止燈心散方

燈心兩

右一味搗羅為散入丹砂一錢研每服二錢匕米飲調下

治鼻衄不止當歸散方

當歸焙切

右一味搗羅為散每服一錢匕米飲調下

治血熱衝肺鼻衄不止蝸牛散方

蝸牛壹分

烏賊魚骨半

右二味搗研為散含水一口搗一字入鼻內

治鼻衄血不止吹鼻散方

茆花拾

亂髮一小

右二味燒為末研勻每以少許吹鼻內

治鼻衄不止諸藥不驗大蒜貼足方

蒜壹枚去皮研細

右一味攤作餅子如錢大厚一豆許若左竅出血貼於左脚心下帛繫定右竅即貼右脚心兩竅俱出即俱貼之血止急以溫水洗脚心令去蒜氣

治衄血不止鷄蘇飲方

鷄蘇

白茯苓去黑皮

射干各壹兩半

白芷

桔梗

天門冬去心焙

當歸切焙

大黃炒

甘草炙各壹兩

桂去麤皮半兩

右一十味咬咀每服二錢七以水一盞生薑三片煎

取六分空腹去滓溫服

治鼻衄不止方

而五月收刺薊暴乾為散每服三錢七溫酒調下

治鼻衄不止方

右以玄明粉臨臥冷熟水調下二錢七差

又方大...

右取楮葉搗絞取汁一二升旋旋飲之即止

治鼻衄不止方

糯米合

右一味搗羅為散冷水調下三錢七

治鼻衄不止欲絕者

右取茄花無卽以根代每服一大把細剉水兩碗煎
濃至一碗分二服

大衄

論曰大衄者口耳皆血出是也蓋血爲榮而藏於肝氣
爲衛而主於肺肺開竅於鼻三者相爲流通若熱氣乘
血而甚則氣血妄行與氣衝錯溢於上竅故鼻衄不已
而口耳皆出血也

治大衄不止遠志湯方

遠志

去心

天門冬

去心

麥門冬

去心

阿膠

炙

當歸

切

藕節

洗

甘草

炙

大黃

剉

芎藭

各半

桂皮

去麩

沒藥

研

麻黃

去節

桃核人

湯浸去皮尖炒

令黃色各壹分

牡丹皮

參

菟胡

去苗

壹兩

右一斗五味麤搗篩每服三錢匕以水一盞煎至七

分去滓空心溫服

治血妄行九竅皆出服藥不住者南天竺飲方

南天竺草

生瞿麥是梅

指大壹把剉

山梔子

參拾枚

生薑

壹塊如

梅指大

大棗

去核

甘草

炙半

燈草如小指
大壹把

右六味剉入瓷器中水一大椀煮至半椀去滓通口

服

治大衄口耳皆血出不止苦參湯方

苦參剉

黃連去須各
壹兩

大黃炒壹
兩

梔子去皮
柒枚

右四味麤搗篩每服三錢匕水一盞入生地黃汁一

合煎至七分去滓溫服

治大衄口耳皆出血不止阿膠湯方

阿膠炙燥
壹兩

蒲黃半
兩

右二味麤搗篩每服二錢匕水一中盞入生地黃汁

合煎至六分溫服急以帛繫乳隨衄左右繫之兩

鼻竅俱出則盡繫兩乳不計時候

治鼻衄至一斗并大衄聖効方

線伍
兩

人中白壹團如雞
子黃大

右二物燒為灰研細每服二錢匕溫水調下

治大衄口耳鼻俱出血牡蠣散方

左顧牡蠣燒赤
壹分石膏碎研壹
兩壹分

右二味搗羅為散每服一錢匕溫酒調下早晨日午

晡時各一服亦可蜜丸如梧桐子大每服三十九酒

下

治大衄不止萊菔酒方

萊菔不拘多少

右一味每細剉一合用酒一盞先煎酒令百沸次下

萊菔再煎一兩沸放溫瀘去滓頓服

治大衄玉漿散方

白麩不拘多少

右一味每服三錢匕用冷水調下

治九竅出血刺薊飲方

刺薊

右一味每用一握絞取自然汁以酒半盞相和頓服之如無青汁只搗乾者為末冷水調下三錢匕

治鼻中及耳皆出血不止黑神散方

白刺蝟皮燒灰存性

人中白半錢

右二味細研為散每用少許搗在鼻中

治大衄口鼻出血血止胸心氣急勞熱生地黃飲方

生地黃肆兩

黃芩去黑心

赤芍藥

竹筴各參兩

蒲黃參大合

地骨皮伍兩

右六味除蒲黃外咬咀如麻豆每服五錢匕水一盞

半煎至八分去滓溫服食後日二

治大衄不止方

右以龍骨末用蘆管吹入鼻中立止

久衄

論曰肝藏血肺主氣今氣與血俱熱故氣溢則血妄行而為鼻衄衄久不差則面色不榮目昏眩冒

治鼻久衄不止桑根白皮丸方

桑根白皮炙

山梔子去皮

黃芩去黑心

甘草炙

羌活去蘆

防風去

當歸切

訶梨勒煨去核

胡黃連各壹分

地骨皮

白茯苓去皮

芫胡去蘆頭各半兩

右一十三味搗羅為末鍊蜜和丸如梧桐子大每服

二十九丸空心食前溫酒下

治鼻衄久不止諸藥不効榴花散方

石榴花暴乾

故綿灰各半兩

人中白壹分

石三味同細研更入麝香一錢研勻少吹入鼻中

立止

治鼻衄久不止血餘散方

亂髮灰壹錢

人中白半兩

麝香半錢

右三味同細研勻每用吹一小豆許入鼻中

治鼻久衄不止阿膠湯方

阿膠炙燥 蒲黃兩

右二味麤搗篩每服三錢匕水一盞入生地黃汁二合同煎至七分去滓溫服

治鼻久衄鉛丹散方

鉛丹不拘

右一味細研如粉每服二錢匕發時新汲水調下

治鼻久衄積年或夜臥血流常數升衆藥不差穀楮葉汁方

穀楮葉伍柴

右一味擣揆取汁日飲一二盞不過四五劑愈

治鼻衄久不止銀粉散方

定州白瓷器

右一味擣研為細散每搗一剋耳許入鼻中

治鼻久衄吹鼻白礬散方

白礬燒令汁

右一味細研羅為散以少許吹鼻中

不取衄

論曰內經謂膽移熱於腦則辛頰鼻淵傳為衄衄瞑目夫血得熱則涌溢得寒則凝泣膽受胃熱循脉而上乃

移於腦蓋陽絡溢則血妄行在鼻為衄在汗空為蟻二者不同皆熱厥血溢之過也今之治衄蟻者專於治血不知血之行留氣為之本猶海水朝夕陰陽之氣使然也明夫經絡逆順則血與氣俱流通而無妄行之患矣
治衄血汗血熱盛所致竹筴湯方

生竹筴切 黃芩去黑心

蒲黃 芍藥 麥門冬去心皮

右六味麤搗篩每服五錢匕水一盞半煎至八分去

滓食後溫服日三服

治鼻衄汗血黃蘗飲方

黃蘗去黑皮 葛根剉 黃芩去黑心

雞蘇兩 凝水石兩 生竹筴兩

右六味麤搗篩每服三錢匕水一盞入生地黄半分

切煎至七分去滓食後臨卧溫服

治衄血汗血白藥散方

白藥兩 生地黄汁合 生藕汁合

生薑汁少

右四味搗白藥為末先煎三物汁合沸每以半盞入

熟水一合白藥末二錢匕攪勻食後溫飲之

治衄血汗血久不止紫參散方

紫參

黃芩

去黑心 各壹分

鬱金

甘草

炙各半

右四味搗羅為散每服三錢匕以生地黄汁一合白

蜜一匙水一盞同煎沸微溫調下日三

治血汗鼻衄不止定命散方

丹砂

白礬 水銀

麝香

各壹分

右三味細研分為二服用新汲水調下

治衄血汗血地黄散方

生乾地黄

焙

阿膠

炙令燥 各參兩

蒲黃

貳兩

右三味搗羅為散每服二錢匕溫糯米飲調下不拘

時

治衄血汗血鬱金散方

鬱金

甘草

炙

青黛

各半兩

右三味搗羅為散每服二錢匕用雞子白調下

治衄血汗血消熱結地黃竹筴湯方

生地黄

切焙 壹斤

青竹筴

伍兩

黃芩

去黑心

不當歸

焙

甘草

炙

芍藥

二盞煎至一

芎藭

各參兩

桂

去麤皮 壹兩

釜月下焦黃土

壹塊

雞子

如雞子大

右九味咬咀如麻豆大每服五錢匕水一盞半煎至

八分去滓溫服

治血妄行或衄或蟻獨聖湯方

黃芩去黑心 伍兩

右一味細剉如麻豆大每服七錢匕水二盞煎至一

盞去滓溫服

治熱氣上行衄血汗血刺薊湯方

刺薊

雞蘇葉各貳兩

黃連去須 兩

犀角鎊

生乾地黄各壹兩

右五味麤搗篩每服五錢匕水一盞半煎至八分去

滓溫服不拘時

大黃車... 二兩... 廿

續金...

...

大德重校聖濟總錄卷第七十



